

金石萃編未刻彙

中

大元璽書 正書 額篆書

碑長四尺七寸寬三尺七寸作三截上截二十
六行中截二十八行下截三十三行中截行
二十一 字下截
行二十三 字

上截

長生天氣力裏

大福廣護助裏

皇帝聖旨軍官每根底軍人每根底城子裏達魯花赤
官人每根底往來的使臣每根底

宣諭的

聖旨

成吉思皇帝

月古台皇帝

薛禪皇帝聖旨裏和尚也里可溫先生每不揀甚麼差
發休當告

天祝

壽者麼道有來如今呵依在先

聖旨裏例裏不揀甚麼差發休當告

天祝

壽者麼道安西路盤屋縣終南山有的

道祖古樓觀太清宗聖宮裏住持的本宗提點葆真火

師趙志元明德大師李志元提舉顯真葆和大師□□
這先生每根底欽□行的

聖旨与了也這的每宮觀房舍裏使臣每休安下者鋪
馬祇應休拿者稅粮休与者属這的每宮觀裏的莊田
地土園林水磨浴堂解典庫店鋪船隻竹篋醋麩貨不
揀甚麼他每的休奪□要者不揀誰休倚氣力者這先
生每有

聖旨磨道沒躡例的与當休做者做呵他每不怕那

聖旨

元貞二年猴兒年十一月初七日大都有時分寫

未

中截

長生天氣力裏

大福廕護助裏

皇帝聖旨軍官每根底軍人每根底城子裏達魯花赤

官人每根底往來的使臣每根底

宣諭的

聖旨

成吉思皇帝

月古台皇帝

薛禪皇帝

完□都皇帝

曲律皇帝聖旨裏和尚也里可溫先生每不揀甚麼差
發休當告

天祝

壽者麼道有來如今依着在先

聖旨躰例裏不揀甚麼差發休當告

天祝

壽者麼道奉元路盩厔縣終南山有的

道祖古樓觀太清宗聖宮住持都提點通微元妙悟真

大師董道淳□□□志□為頤見先生每根底執把行的

聖旨与了也這的每宮觀□房舍裏使臣休安下者鋪馬祇應休拿者地稅高稅休与者但屬宮觀的水陸地土園林碾磨浴堂解典庫店舍鋪席竹□船隻不揀甚麼他每的休奪 要者更屬本宮舊有的□田村西觀谷常住贍宮地上不揀是誰休倚氣力侵占者這先生每有

聖旨麼道沒牀例的勾當休做者做呵他每不怕那

聖旨免見年 月 □日大都有時分寫來

下截

長生天氣力裏

大福蔭護助裏

皇帝聖旨軍官每根底軍人每根底城子裏連魯花赤
官人每根底往來使臣每根底
宣諭的

聖旨

成吉思皇帝

月古台皇帝

薛禪皇帝

完□都皇帝

曲律皇帝

□顏□皇帝

□□□皇帝

護□□皇帝聖旨裏和尚也里可溫荅失□先生每不
揀甚麼差發休當者告

天祝

壽者麼道有來如今依着在先

聖旨軀例裏不揀甚麼差發休當告

天

□每根底祝壽者麼道奉元路蓋屋縣終南山有的
道祖古樓觀太清宗聖宮住持本宗都提點□真□□
達妙大師劉道常提點脩仁明義通元大師寇□□顯
真葆和純靜大師提舉張道進為頭兒先生每根底依
先例執把行的

聖旨与了也這的每宮觀裏他每的房舍裏使臣休安
下者鋪馬祇應休拿者地稅商稅休与者但属宮觀的
水土園林碾磨店舍鋪席解典庫浴堂船隻竹□□
等不揀甚麼他每的不以是誰休倚氣力奪要者更属
本宮舊有的乘田村西觀谷常住瞻宮地土不揀是誰

休倚氣力侵占者更這先生每道有
聖旨無躰例勾當行呵他每不怕那

聖旨□的

至順元年馬兒年七月十三日上都有時分寫來

集慶孔子廟碑 正書

除額長五尺八寸寬三尺八寸五分二十七行行四十字

前翰林學士通議大夫知制誥同脩國史虞摯

撰

嘉議大夫江南諸道行御史臺治書侍御史王升善書并篆額

上元年

詔以興學作士為王政先務申飭郡縣甚至二年秋八月建康

孔子廟成校官文學先生羣諸生相與言曰吾州加會

六代自國淮江之南學遂為首善之地故宋播浙茲維
陪都其守臣把留鑰制閫外其選必儒碩重望故吾昇
校規制雄韜肩成均殆甲東南學殿一旦迨復已十
歲其燬其復吾輩所感所欣吾道所關也不辭諸珉以
詔來者可乎其燬大德四年閏八月其復始庚子者見
監察御史楊君演記始己酉者臺臣御史大夫公霍湫
敕中丞廉公及其僚佐屬以董其役者路之治中梁普
華右其事為書檄士子掾文學江寧貢師仁來宣有語
於退使涿郡盧執事校成矣守士者倫矣養士者具矣公
有以教之振吾昇校也夫

孔子之道如日月之照亘古今萬世莫不戴其明以行
於世固不以棟宇崇庠加損今夫眾君子所以庇於
予者豈不以崇

孔祠為增

國家右文之光懿臺臣郡守重道之志也遂作詩俾
之士息游歌之以金玉弦誦之缺庶幾有所感起報
答
筦風尚者樂育之意其詩曰

孰昇于穹

夫子之宮孰熾于昔而復于今崇臺有巖植網斯邦維
教斯明維士斯履爰才爰工于坻于棟維宇斯替維構

斯隆既翼其居迺醉其容曰章曰維迺粒迺饗迺藝鉛
繫迺磬室鏞繇條集成始玉金終迺洋

聖謨以鋪

德音士習維羽而枝斯林或聳而冥或喙于陽或采其
翰而儀其翔之習之即而賓于

王士式臺柔而梗而楠于馬度之以柱

明堂昇枝之光昇士毋忘

右碑越廿有二年未之刻也訓導戚光傳其文迺

承

憲臺治書純齋王公書之始伐貞石不惟重名幸

之當傳亦可俾前功之有考其文雅潔溫厚尤於
多士敦學游歌之道深有由焉是年郡既改名集
慶歲在庚午至順元年十月戊申朔識教授程鼎
學正梅錫孫學錄陳玉直學諭琮立石

郡人鄭林鐫字

增建大圓濟宮記

行書

石長三尺五寸五分寬二尺五寸九分十六行行三十六字內惟一行三十七字

樂山后人易庵趙良謹記


滇海念庵圓護書丹

夫我佛之教頓漸多門然舉要言之唯教與禪而已教者有三乘三藏五教十二分之異名盡載于五千余軸之大藏矣禪者為正法眼藏故外別傳不立文字是以釋迦如來密授飲光而有天竺二十八祖達磨西來而有震旦七祖荊州南傳而有雲南五祖傳授證悟有自来矣惟大理啓運禪教之盛寔與竺漢侔大幾二百年

有施氏頭陀者天縱其能所得之傳殊為神妙諒以觀
音大士親垂指示機契緣熟頓證悟於言下根元直截
即與荆南之傳若合符節而大增重於獻宗御註之論
厥後其傳乃授於道悟國師道悟授於元凝宗師元凝
授于凝真等輩然凝真嘗以寫經得道筆法實如神助
其書多至數千萬卷而名高德重為世希有竊觀大圓
濟宮者乃宣宗元亨四年戊申高國公護之所創建宗
師元凝之所住持也僅歷百有餘載師資傑出背項相
望為時所尚今住持沙門山舟法海者即慧通長老之
門徒也戒行精勤道器純熟三十有餘年於此矣自念

圖濟之境實名德之遺趾迨昔癸丑歲冬

皇元平定之後名師繼踵代不乏人然而規模制度猶
有稍闕若不稍增無以紹先績勉後學及以待嘉賓延
碩德也於是立後殿一禪堂一僧房衆寮前門後閣莫
不雄雋始於延祐之乙卯終於至治之癸亥觀其堂宇
深靚瞻逍遙宴坐之資花木幽香備勤進修行之具法
法妙道物物禪機是則主張其事者豈非明正法眼續
佛慧命之助乎福利其廣大哉省至順二年歲次辛未
正月十九日承事郎蒙化州知州殺信真義立石



圓濟蘭若碑陰

行書

十四行行
三十六字

故國三千蘭若圓濟最為名剎雖制度狹小所事精
密居崇聖為上方疑禪師之道場師在元亨間為國
師道望偕著緇白輻輳得其一言半句之益或出生
離死為世宗匠如詔牀青公之入定堂水湛然水目
高公之坐禪庭蓮馥郁昌禪師之說法羣牛伏聽真
禪師之書經歷代寶崇其餘虛往實歸詎易殫其歎
傳之要大抵以空為體以寂為用以照為宗空故勤
諸聲色寂故泯諸念慮惟能所空寂其心心不昧了

了常知者為照之宗也其與夫無作三學涅槃三德
若合符契解脫故空真戒也法身故寂真空也般若
而照真慧也三德圓融三學齊貫匪偏匪別實
妙雖三元立要知見為宗寧異乎是圓濟之與際其
願力也雖時更世遞十刹寢廢暨于崇聖兩經回祿
然獨斯刹宛尔如新挺立而不改一水一石一花一
木師之真蹟存焉惟蒼山之高洱水之深豈易量其
心哉厥後主者不知其幾唯今山舟海老能與師相
先後仍百年之舊觀崇增廊廡創立堂閣雄偉壯麗
恢恢焉為具體叢林使師之陳迹久而彌芳尚慮其

道無聞於後世以碑陰見託余寓茲歲久聞師之道
為詳目與書其大概噫後之視今亦猶今之視昔也
若其興創始末增崇由緒易菴之紀詳矣茲不復贅
言省天歷二年歲次己巳七月既望□光教源比丘
雪庭普瑞謹記

滇海苾荔念菴圓護書丹



加封啓聖王等勅旨 正書

碑長六尺二寸寬四尺
十六行行三十三字

上天眷命

皇帝聖旨關里有家系出神明之胄居山請禱天啓聖
人之生朕幸觀人文敷求往哲惟孔氏之有作集羣聖
之大成原道統則堯授舜傳之周文王論世家則契至
湯下運正考甫其明德也遠卡故生知者出焉有開必
先克昌厥後如太極之生天地如鉅海之有本源雲乃
既巖於上公之封考妣宜眎夫素王之爵於戲君子之
道考而不繇建而不恃予以敦典而叙倫宗廟之禮愛

聖天子褒崇弘獎之旨而不自之宜惟然以重新為己
任即會僚佐同知忽都不華判官周顯祖幕賓劉良成
謙謀之議既僉協遂各捐俸半載復資諸好事者得楮
券八千餘緡俾廉濟州吏陳素義士周傑掌其出納市
材傭工差日就緒工致其能徒效其勤烝烝芹宮萬指
偕作斷鏤朽堊髹漆丹雘究于三月乃克成功正殿而
下訖于齋舍五十餘楹截然一新儼偉絢麗噲噲噉噉
其正而冥也將落之判官張忽都帖木兒由宣徽譯史
至既而州倅進士僕朝吾由枝江縣監至目擊其事嘉
侯之用心行且受代不可使徽績沫而無聞命郡文學

秩：彝倫吾欲廣闡，雖鵲巢之化，皇：文治天其興，河圖鳳鳥之祥，可特封大成至聖文宣王夫人主者，施行。

至順二年六月 日

右加封至聖文宣王夫人，其一加封齊國公叔梁紇為啓聖王。

魯國太夫人顏氏為啓聖王夫人，詔其一特封大成。

至聖文宣王妻并官氏為大成至聖文宣王夫人，詔。

也。元史文宗紀及祭祀志祇載加封啓聖王及夫人。

而不及并官氏之封，史文之闕也。加封事在至順元。

年二月戊申，禘書至順二年六月，蓋孟石之葬月也。

家禮孔子年十九娶於宋，卞官氏之女，今致溪縣勅。

禮器碑本作拜官字祥符進封及此詔上皆作拜官
文字明白可證家語傳寫之詳廣韻引魯先賢傳孔
子妻弟官氏今本六誤為元蓋既俗相傳失其本真
惟石刻出予千載以前者信而有餘也
國朝碑大
明階石臺全

石文跋尾三集

加封顏曾思孟勅旨 正書

碑長六尺二寸寬三尺八寸

五分二十四行行三十九字

上天眷命

皇帝聖旨朕惟得孔氏之門入聖人之域顏子一人而已觀其不遷怒不貳過以成復禮之功無伐善無施勞益著為仁之効蓋將不日而化矣惜乎天不假之年也朕緬懷哲人留心聖學將大新於風教故特侈於褒加於戲用之則行舍之則歲雖潛德一時之丕顯吾見其進未見其止顏聖言百世而彌彰尚服寵光丕隆文治可加封兗國復聖公主者施行

上天眷命

皇帝聖旨朕惟孔子之道曾氏獨得其宗蓋本於誠身
而然也觀其始於三省之功卒聞一貫之妙是以友於
顏淵而無愧授於子思而不湮者歟朕仰慕休風景行先
哲爰因舊爵崇以新稱於戲聖神繼天立極以來道統
之傳遠矣國家化民成俗之初大學之書具焉其相
之脩齊茲式彰於褒顯可加封邸國宗聖公主者施行

至順二年九月 日

上天眷命

皇帝聖旨昔曾子得聖人之傳而子思克承厥統稽夫
中庸之一書實開聖學於千載朕自臨御以來每以加
惠斯文為念萬幾之暇覽觀載籍至於致中和而天地
位焉物育雅智意焉夫爵秩之崇既隆於井配景行之
聽可後於褒加於戲有仲尼作於前孰儼世家之盛得
孟子振其後益昌斯道之傳渥命其承茂隆丕緒可加
封沂國述聖公主者施行

至順二年九月 日

上天眷命

皇帝聖旨孟子百世之師也方戰國之縱橫異端之充

塞不有君子孰任斯父觀夫七篇之書憐：乎致君澤
民之心凜：乎拔本塞源之論黜霸功而行王道詎詖
行而放濫辭可謂有功聖門進配神高者矣朕若稽聖
學祇服格言乃著新稱以彰渥典於戲頌詩書而尚友
緬懷鄒魯之風非仁義則不陳期辰唐虞之治英風千
載蔚有耿光可加封鄒國亞聖公王者施行

至順二年九月

日

析澤治平寺亭公捨田記 正書

石長五尺五寸寬二尺七寸五分作兩截書上
刻記十三行行二十三字下田數十二行行六
字七字
不考

江左勝地古迹治平六朝遺恨自昔而興有蕞蕪濶致
祖師生誦法華妙感龍女呈祈求有感祈澤名賡迨屯
千年香火常興徒僧姓陳其名曰亭自幼捨俗利祿皆
傾天之佑之時行道行凡事謹慎而無喻但守本分而
羣壽高六旬以上德洽衆士之榮耄兮圓寂特撫至情
將生但有衣鉢歸常住永作生營怡然而化 西方
是程 佛祖捨身捨命徑達大乘吾師捨田捨財切利

當陞我輩聞鐘喫鉢深慚無德無能自茲 一靈不昧
法力常增

又值耆宿譽公和尚

同發慨心捨田作

常住產同結善因所祈 佛力護持者

歲在至元丁丑仲春吉日謹記

住山釋永順立石

至順辛未九月初二日

亨公泰庵和尚捨到田地山塘共計捌拾陸畝貳拾
玖步在艾塘後村范塘枯涸時等埠周迴四散坐落

謹記

譽公捨田叁号計伍畝壹角坐落侯村後小新塘下
承小新塘水利記

地十八

西行記正書

碑長二尺五寸寬二尺四寸三分
共十八行每行十四字陸西行

人生游宦離多會少理之常也離會之間雖用力期然而未必然有不期然而然者默默之中已有定數至順二季秋九月十有九日西臺御史黼齋朶反忽都魯別正卿范可仁周誼宋紹明子達分守甘肅四川省事偕行書吏皇甫通彥亨張英世傑李松季脩齡吳密安之全宿槐里驛分襟之際相與約曰公務畢還期過是驛以語契濶之情明年春三月清明後二日果符并約夫四川甘肅修阻山川數千餘里公事之簡繁期程之遠

近彼此不侔雖音問相通符券相遺亦未必如其約也
而其所以然者非金蘭之契感假之誠而然歟遂刻諸
石以紀其行云

至順三年春三月初五日

縣學田記

行書 額作縣數田記篆書

碑長八尺四寸五分寬三尺三寸六分二十六行行五十一字隸西泮陽

進士王欽篆

何希淵撰

□□□□在乎得人得人之□必本於興學育才凡天

下郡邑設典教者□□□田以□□□□□□□□

□□□□□□□□□□□□□□□□□□□□□□

國家教養之力而後有成也誠教有所未遂養有所未

贍欲材之作其可得乎涇陽□□□舟一□□□□

□□□□□□□□□□□□□□□其地東至忽撒馬丁

西至南□溝北至仲山南至亂石墮□□歷時既久有
□□□□□□□□或□於墮廢致為□□□□□□
因而占據偽捏契券遂底欺昧當時教官皆以倒□日
月因循無有辯理者雖經屢訟于有司□□空□□□
□□□□□□□□□□莫能明迄今廿年于茲矣泰
定丙寅教諭牛德輔來□是我則將循舊績而新其故
深以□田之□□□□□□□□興復之志於是乃躬詣
投詞抗義爭之暨請于邑尹魏公等會集蒙□□□□
董二□相与勦力贊成其事□□

行臺凡故地入于民者□考舊籍二□□付遂得其正

矣且有案牘存□茲不殫紀□呼茲地之設其意深矣
國家本為育材養士之所比無知之輩一旦乘隙切取
詎有坐視而不辯者耶仰惟

聖人德澤涵煦□□□斯民得蒙治化措之於無訟
之地是皆不得而喻之者矧學之廢興物之得失諒亦
有數焉然於其理□莫能昧也審矣逮監邑旦只班尹
李公簿薛公典幕王公學諭竇公乃相謂曰當刻諸石
傳之無窮以備落沒之患因撫始末求予為記予嘉牛
君之誠懇繼以尹簿之善政茲覩
聖業之復

治俾後之學者束手而享其利何其□歟庶幾不負

聖朝崇□之美意也至於宣教化正風俗紹前學覺後
進豈不隆於翌日耶皆至順三年冬十一月上吉日記

奉元路涇陽□大使喬貞 副使馮□聰

瑞寧倉官張□民

典史王欽□ 吏雷從禮郭□□趙世榮馬天騏

前吏□□□□□

奉元路涇陽縣尉□□僧

將仕郎奉元路涇陽縣主簿薛雍

承務郎奉元路涇陽縣尹兼管本縣諸軍奧魯勸

事李振

將仕郎奉元路涇陽縣達魯花赤兼管本縣諸軍

與魯勸農事旦只班

教諭 □ 世隆 上石

耆儒 □ 庸 □ □ 學正張禎 王永安

□ □ □ □

□ □ □ □ □ □ □ □ □ □ □ □ □ □

□ □ □ □ □ □ □ □ □ □ □ □ □ □

□ □ □ □ □ □ □ □ □ □ □ □ □ □ 寧

勅贈漢陽大別山禹廟碑 行書

碑連額長八尺六寸寬四尺二寸三十四
行行約六十字似或有六十餘字不等

翰林字士承 旨正奉大夫知制誥兼修國史

臣閻復 翰林直學士中順大夫知制誥同修

國史臣林元奉

中議大夫前參議中書省事臣許有壬

正議大夫前嶺南廣西道肅政廉訪使臣與屯忽都

祿

大德八年冬十有一月中書省 奏湖廣行省言昔禹

治水有功舊立廟於大別江濱久廢重建乞 賜廟碑

以崇明祀 制曰可命翰林述其事欽惟○

聖朝混一海宇天下名山大川古帝先王有功德於民者莫不秩祀稽諸祭法能禦大菑則祀之能捍大患則祀之且載禹能修繇之功其治洪水豈非○○菑患之大者歟故舜稱之曰地平天成六府三事允治萬世永賴乃功則廟而祀之宜也荆州之域江漢為重漢鄂之山大別為表禹乘四載隨山刊木○○至于大別西則岷蜀襄沔之眾流聚焉南則衡湘洞庭之巨浸匯焉疏鑿排決亦云勞矣至今江潯西磯對峙順流東注朝貢舟航浮于○入于○逾于○○于 帝都此其故也曩

歲

世祖皇帝六飛南巡渡江次鄂駐蹕於黃鵠山時大別
形勝正當 睿覽嘗問父老曰山頭石磯何名呂公對
曰聞唐時有道人呂姓者吹笙其上□□□□前何名
不能對再三問有對曰聞諸古語云是禹功字音訛傳
大稱 聖意嘉弊久之蓋以極溺平水之功默契於極
民水火之心也

今上皇帝嗣承丕緒孝思 祖武以鵠山乃黃屋臨御
之地 詔就歷雲亭故址創建大元興寺闡世尊慈悲
之旨以演

世祖慈仁之恩中書右丞相哈剌哈孫荅刺罕時以平
章政事開省湖廣承制鼎建不擾而辦丞相又以鵠
山大別夾江屏蔽為鄂漢辰

世祖親見而留念者漢陽嘗撥屬江北奏請仍隸湖廣
就大別禹廟舊基經營締構以寄禹功之思今告落成
非常祠所可同語欽想

先帝神遊風馬雲車之所至一統阜康百神受職誠足
以慰在天之靈也然公朝許樹豐碑者豈徒侈金石
之觀而已哉思昔天王使劉□□□□□□□□□□
劉子
曰美哉禹功明德遠矣微禹吾其魚乎吾與子弁冕端

委以治民臨諸侯禹之力也蓋亦遠績禹功而大庇民
乎今之江漢猶河洛也□□□□□□□□之思乎禹亦有
言德惟善政政在養民水火金木土穀惟修正德利用
厚生惟和九叙惟歌勸之勿壞意謂水土既平之後天
下國家之治□□□□□□壞俾政得其叙德可以歌
而人有所勸則善也盡力千載之上垂念万世之下其
用心果何如哉是心也即

世祖燕翼詒謀之心也於是作迎神頌功降福之章使
典禮者歲時歌而祀之以揚

聖天子之嘉命 其一曰

新廟翼翼兮漢水之陽題榜翬飛兮昭宣寵光霓旌來
下兮神明洋洋元圭黻冕兮德冠百王來世瞻仰兮何

時弭忘

其二曰

濬川隨山兮大別堂堂乘載蒞止兮胼胝度荒拯民昏
墊兮功參彼蒼

皇武六飛兮江漢是航念此䟽鑿兮心包混茫不有清
問兮禹功曷彰民而思禹兮其思

世皇

其三曰

天下統一兮今歸

聖皇九州耕桑兮暨于荆揚禹貢壤賦兮悉登職方山

川神氣兮若時雨暘万世永賴兮斯言永臧崇德報功
兮紀于太常遵且薦嘉兮歌此樂章□□□□兮降福
無疆

禹功在天地亘万世不壞大別表表□廟宜焉大德
間平章塔刺罕重修請碑于 朝詞臣有文而其碑
未立至順癸酉知府梁彥義等得其文缺間始買石
以刻屬臣有壬書臣有壬頓首伏讀獲覩始末書不
敢辭而但未悉其未立之故彥義等訪之耆舊莫得
其說索之掌故歲久無徵且缺功童稚所知祠宇既
設碑特一簣爾况 奏請出中書而文寔奉 詔筆

也因循乃爾廢格孰甚焉豈廟之修皆荅刺罕既入
朝繼者不違以至於是邪是亦有司之過也大德
八年距今三十年凡歷幾政無一人及之者彥義等
乃能舉於已墜知為政已抑廟與碑於禹何有而我
列聖功德纘服有加焉臣有壬既書之且記其槩庶
繼者知承流之重而一事之成不易若是則凡可以
舉於未墜者可不勉乎是歲九月臣有壬頓首謹書

瑞鹽記 正書額作勅賜御香瑞鹽碑誌正書

碑連額長四尺九寸五分寬二尺四寸五分共二十二行行三十六字

賜進士及第授承務郎集賢脩撰篤列圖撰并書

至順四年夏六月

新天子即位先是運司上言解州鹽池預期呈秀宜特遣使投祠以荅

神貺於是右丞相太師俊寧王太傅荅刺罕左丞相等奏遣使者集賢脩撰篤列圖欽奉

御香以至順四年七月初三日往率運使臣拜不花等以牲齋致祠如禮運司又言致和天歷以來解州迫於

水旱鹽池致耗迨今五六年矣及茲而雨暘時若山澤
効靈貨利淳興 國賦充溢此實

聖天子元德彰聞神祇感格之所致也臣篤列圖拜手
稽首而言曰 聖人首出庶物德浹仁博而 天錫之
福昔伏羲大禹之時河洛出圖書堯舜文王之世鳳儀
于庭或鳴于岐此天人交感之理爲不誣也今

皇帝聖德龍飛而鹽池瑞應豈苟然哉凡百有司各敬
其事以脩厥職共承 天休嗚呼懋哉至順四年七月
朔拜手謹識

元統二年四月十三日 立石

將仕郎河東陝西等處都轉運鹽使司提控案牘
兼照磨承發架閣朱吉

從仕郎河東陝西等處都轉運鹽使司知事關世
傑

承德郎河東陝西等處都轉運鹽使司經歷張彥
通

奉訓大夫河東陝西等處都轉運鹽使司判官忻
都

中□大夫同知河東陝西等處都轉運鹽使司事
郭元珪

中憲大夫前同知河東陝西等處都轉運鹽使司
事鄭榮遠

中大夫河東陝西等處都轉運鹽使知渠堰事張
庭祐

中大夫河東陝西等處都轉運鹽使知渠堰事
拜不花

大元勅賜曲阜孔廟田宅之記

正書額篆書

碑長四尺五寸寬三尺五寸

二十八行行五十一字

元統元年十二月廿五日御史中丞臣亦憐真班臣祖常治書侍御史臣普化言於

上曰臣等及御史大夫臣脫別台臣唐其勢議江南行臺按問江西僉憲任忙古台以墨坐沒入其私田八頃八十九畝屋二十有七間家奴若干人在鄆境者實過曲阜

孔子林廟方今

聖天子師法

孔子設經筵崇儒術我御史臺以興學宣化為職事願
孔廟歲入視前代猶儉春秋釋奠師生既稟時 不給
請以今沒入產畀孔氏罷封世業之其家奴婢籍於有
司居所沒入居田所沒入田世服使孔氏為灑掃戶而
輸其租

制可明日臣唐其勢又自帥其同列臣亦憐真班臣祖
常臣普化等導意於內侍臣禿滿迭爾以啓

皇太后于宮中出諭

旨曰善一如

皇帝制行之於是所司以產歸孔氏明年孔氏具贖來

屬元文諸石仰惟

皇元初得宋金郡邑校官田產無算悉以共其祭祀食
其師生繕備其廟學其校官無田則以縣官緡錢充其
用無禁有司不奉命則御史部使者察之其為尊崇
孔聖之道非獨今日蓋嘗攷之郢人書社七百里之事
有無不必知尼溪之田齊遂以封一變而止魯哉此於
世道有關聖人無與也

今上富於春秋政事叅決東朝居今之臣能言附益孔
氏者皆引君當道之事也臺臣首陳經筵次表儒術豈
有他哉

兩宮俞音

聖志一揆，地足行矣。漢初六經甫脫，羸難高祖過魯之祠，天下駸駸然望斯文之治。史乃稱文景不右儒術，以竇后故咎。豈在是哉？濯絳東陽侯之屬，有一人者，如今臺臣謀，豈必金石絲竹之音作而後不壞。

孔子宅以書還，孔氏邪？漢之諸臣功烈卑矣。元故著之使來者知臺臣之意，在是是議也。侍御史臣朶列捏治書侍御史臣彞咸，飲成之奏之日，經歷臣禿滿都事臣

張

臣李

寶從

元統二年 月中順大夫僉太常禮儀院事臣歐

陽元拜手稽首記文林郎藝文監丞叅檢校書籍
事臣揭傒斯書承德郎太常博士臣趙期頤篆


亞中大夫濟寧路總管兼本路諸軍奧魯總管
內勸農事知河防事臣張仲仁

奉訓大夫濟寧路兗州知州兼管本州諸軍奧魯
勸農事臣孫峻郎哈

文林郎濟寧路曲阜縣尹兼管本縣諸軍奧魯勸
農事臣孔思凱

五十五代孫大宗子孔克堅

嘉祥縣石匠晁本口刊



王輔嗣墓碑隸書

石長三尺八寸二分寬二尺四寸大
小字共四行蓋中八字分作兩行書

翰林詩制吳炳書

偃師伯王輔嗣之墓

元統二年冬十月偃師縣尹時禎立石

題云偃師伯王輔嗣之墓按水經注載王陸詩叙機
初入洛次河南之偃師時忽結陰望道左若民居者
因往逗宿見一少年姿神端遠與機言元機服其能
而無以酬折前致一辨機題緯古人綜檢名實此少
年不甚欣解將曉去稅駕逆旅姬曰君何宿而來自

東數十里無邨落止有山陽王弼墓機乃怪悵還睇
昨路空野蕤雲搆木蔽日知所遇者審王弼也太平
寰宇記云墓在縣南三里一統志云在縣城東今有
題碣可証或宋治非今治也

中州金石記

時公重刊王輔嗣墓碑 正書

碑長三尺八寸寬二尺七寸
十四行行二十二字

儀封時公希顏假令偃師之明年治政聿新百廢具舉
暇日謁境內前賢瑩域雖遺蹟可考者皆莫能□其的
惟邑城東距二里有冢巍而大□其□□□餘步□□
途北故石表在焉已顛仆斷缺辨其文識其為魏王輔
嗣先生墓迺亡金忠顯校尉行河南府偃師縣主簿兼
尉詳于淵所建昔明昌四年八月望日也公視之懼久
漫滅即謀諸僚案易以貞珉勒示悠遠監縣□判簿書
典籤□同聲繼史不日而成之先生諱弼輔嗣其字也

初與鍾會並知名好論儒道才辭辨送家于山陽用何晏薦為尚書郎一時名流咸異其精達年廿四卒嘗註老子尤專易學列彖象立訓傳探微索隱文旨幽邃其書顯行于世用是後封偃師□從祀吾

夫子廟廷今時公復刊著姓字標其丘壠俾世之景行先哲者知有所聳敬云元統甲戌冬十一月至日河南

陳思忠誌

創建妙湛寺碑記 正書

石長四尺五寸寬二尺四寸二十
行行四十七字至五十一字不等

昆陽長松山普照寺沙門雲峯普祥撰并書丹

滇城之巽隅二十里有郭曰蝸洞西北瞰碧雞金馬□

波秀麓雲木杳靄東南矚琅巖寶江環注諸滇林壑呀

洼田疇豐穰宅民素樸尤篤於浮圖氏樂乎漁樵藝植

茂林脩竹之趣卿士大夫游賞纜船於渡頭唵嘯自若

陶々而忘反命之曰官度故有停舟之賦迺古拓東演

習高候之苗裔生世攸乂之所也城有軌範僧姓楊名

慶者莅衆個儻事不齷齪業擅於瑜珈頭密德伏於猊

龍猛虎召門弟子曰生寄蜉蝣命若朝菌穀穿雀飛將
為噬臍矣吾欲崇脩梵刹寅昏庭燎嵩嘯

皇元無疆之壽撫毓黔庶之德不亦偉尊僉避席曰雖
不敏請事斯語矣遂整衽哀工於至元庚寅即於邪
外江北許鼎新梵宇額曰妙湛肇構虛閣曰妙德次建
大殿曰惣持肖能仁寂默慶喜飲究菩薩應真崇其中
又蓋麗譙以安業簾深省聞：落成於元貞改元輪奐
宏儷極一時之勝槩後緣基址沮洳圖克呂壽慶之嫡
孫曰宗曰中曰善曰福塞淵一心聿脩厥惠諗于蒸曰
睹此招提抑不肖祖禰之所矧也閱三紀有餘載將湮

汨於汜濫擬移建中良阨堪堪之地不顯祖考之業伏
金仁者助成庸情於是旄倪翕然一諾百堵咸興重新
於泰定丙寅成於明年有李興賢者偕其子生陵二昆
季即寺昧谷別敞紺殿像設毘盧其庭殖其穉覺其正
增其真噦深：於仍舊寘以膏腴田卦刻于碑陰用圖
不朽慨虛其席鬱陶如也公議曰耆德諱正號方山者
受業於法定寺住持覺海圓師戒珠鶴白意地砥平仍
瀛門柱礎者也確請而尸之寔觀齒寒之弊自是民於
農隙爰諏爰度求福不回湖海龍象雪笠雲袍磅礴結
轍焉元統二年冬方山謁予昆陽之長松語以厥績靡

監需文以志權與子曰懋哉莫：葛藟施于條枚其是
之謂乎妙湛懋持不動尊斯楞嚴之衿喉也妙湛則法
身固為摠持乃般若端嚴不動繫解脫赴感百川一月
三德一伊心境軫轆如寶絲網俾夫見者聞者本有之
薰油然而作殞舜若多性發渤澥之漚薦爍迦羅心方
金剛之固不勞肯綮孰賢於此哉矧天歷間淮瀟墻之
宜靡有孑遺獨茲剝幢嶷然而免回祿者蓋神之祐願
之力焉故云三災彌綸而行業湛然者信不誣也盍文
乎銘曰

金輪統御

海宴河清

恩沾萬國

齊家澤暉

天

錫

皇元

混一寰宇

綏厥黎蒸

德滂仁煦

世雄不

作

作必屈信

謝無隆替

弘之由人

刹種旋側

乃淨乃觸

或嬰六極

有享五福

妙湛儼然

摠持日嚴

丹：緇雲

困珠出潛

絕：迨今

懿

範祇肅

佛祖願輪

賢良轉轂

南山其松

戴蒼

戴穹

玉基茂績

希之無窮

皆元統三年正月念三日本寺功德主阿左梨□

僧官文僧官情僧官真楊宗楊中楊善楊福立石

安晚軒記 正書額篆書

碑額
長五尺寬三尺七分共
二十一行每行三十五字

登仕郎江澗等處儒學副提舉陳旅撰并書

中書平章政事翰林學士承旨知制誥兼修

國史奎章閣大學士銀青榮祿大夫涼國公趙世

延篆額

元統三年二月庚申文素仁德誠明真人孫公作軒四
楹於佑聖觀之東北檐牖豁䟽几席清晏列圖書玩好
之物於左右將於是老焉三月丙午公生日時年七十
諸孫薛義等繪公像為壽而請名其軒曰安晚以公命

朱徵記其言曰公承

累朝寵命主延祥佑聖兩觀兼領杭之道教幾四十年未嘗以為榮煦養徒眾惠愛如一日未嘗以為德及建延祥于變遷之餘而崇殿廣閣穹門邃廡與凡室屋園田水石華竹之屬無不善備未嘗以為勞杭為東南大都會官于茲者多貴人大官與天下之名士大夫則皆與公雅游情誼雖篤未嘗以豪髮事干焉佑聖祠元武神杭人有禱必應蓋亦由主祠者精誠所萃有以格元靈而導嘉貺也是軒之成故皆喜而言曰公雖有意知足知止之道亦庶幾安乎所居以遲高年於無窮乎幸

為文記之夫人精神彊則足以極思慮之微氣血盛則足以任勞動之劇顛危困厄常相遭而相角也及夫齒髮既衰役其心則神瘵馳其形則力澈視聽言動一或過於用焉則病矣故必有以寧其身而無擾其真焉譬元氣散宣於春夏而斂藏於歲莫也萬物於是乎震天地之房而蟄以息老所以報勞而順物性也孔子安老之義其有異於此乎雖然欲安者人之同情也而人則有不得然矣蓋天下未有不為其事而能收其效者足以有為之時而弛然無後日之虞窮智力以行險而欲求安宅之歸若是者吾知其無所於休也然則其必有

道之士而後能安於晚乎真人搃道紀吳會象勤積慮
亦既久矣而凡經營彌繼於延祥佑聖者皆築安晚之
基也況夫以約素自持而接物於泰和之園酬酢一世
而未嘗爽其初心則其所以為安又豈晚而始然也

元統三年六月十日建

篆書


金華陳瑞刻

杭佑聖有安晚軒記石為元日儒學提舉陳旅所撰
書其論安不始于晚而基于未晚詞旨甚精而字亦
可取此時子昂名方謀而能不依傍又可謂中有主
獨立之士矣涼國篆未見而記末篆書年月甚雅或

其一班乎緇黃二氏淡于勢利而名根尚數數然卒
之勢利灰滅而清事反被伊卷而收去往往能言能
書之士轉借之以存名于世悲夫

墨林快事

地卅九



皇元特授神仙演道大宗師元門掌教輔道體仁
文粹開元真人管領諸路道教所知集賢院道教
事孫公道行之碑正書

碑長七丈三寸寬四尺七寸
共三十五行每行七十八字陸兩整屋

集賢侍 講學士中奉大夫鄧文原撰

翰林學士承旨榮祿大夫知制誥兼脩國史趙孟頫
書

前 中書平章政事 翰林學士承 旨知

制誥兼脩 國史 奎章閣大學

士銀青榮祿大夫魯國公趙世延篆額

元孫德或道行碑一

天啓

聖元丕昭神武撫綏萬方髦傑臣附亦既杆智能懋
建勳伐惟秦雍古稱神明之隩乃有樂道備真之士宣
暢元風以上賞清靜無為之治際遇周渥振古所未有
也若輔道體仁文粹開元真人孫公幼穎慧甫能言母
氏程教以孔孟書一過輒成誦被兵孤即刻志恬薄寄
迹終南山從穆真人踰十歲著道士服 元明文靖天
樂振教大真人李公器遇之授易老與義天樂之教由
焉丹陽 于洞真二真君以次相傳其肱挾淵秘雅
有宗緒紫陽楊先生仕金嘗轉運河南與遺山元公齊

名世稱元楊是也先生素慎許可過山中顧公屬句警
敏大嘆賞由是英譽日馳遂為京兆路講經師妙齡聞
教流輩為傾馮和真人王公昇號曰開元大師提舉重
陽宮元壇事至元甲戌

昭睿順聖皇后命公侍

安西王掌祠事祈禱歌格

即充京兆路道錄正何

洞明真人祈公屬公典教開

成然留

王所不果行復提舉

洞真門下諸宮觀

秦王稔公才望俾提點道門之在京北者元逸

真人張公以秦蜀道教提點所非得瑰特士不可擢公
通議官壬辰提舉大重陽萬壽宮宮自甲午營構歷歲

五十有九而殿閣壇宇汔未完美至公而圖繪黜堊陶
甃塲□之工志增舊觀遂由通議官陞副提點遙奉

王教歲事殊庭羣鶴來翔衆嗟靈異大德己亥

成宗加 璽書授陝西五路西蜀四川道教提點領

重陽宮事越四年錫

御衣一襲寶鎮寗陽殿宏辟天球莫喻輝赫祭卯冬十

二月 安西王妃大宴興慶池賜西錦衣赤驥期年

祀于靈宮 王又出綺袍玉鉤帶以旌之而公得寵

弗居益守沖約因臻傳之華山投簡龍湫西還道渭南

河水暴溢漬隄托倪旦暮虞即死遮道祈哀公為前立

奔衝點禱人人為公危而公神色自若有頃河北流民以恬息

上遣侍臣奉

香幣即宮而禱焉秦人至今德公能

道其事尋拜諸路道教都提點公亦感激春知趣

表入

覲留三載加體仁文粹開元真人領陝西道

教事實

武宗即位之二年也公歸終南將遂終老

仁宗志宏道妙欲簡用者德遣使召赴長春宮掌全真教至則見于便殿大悅制語褒嘉陽煦春育日賜

上尊酒一以示優老終南有甘澗二谷歲收

園林水利以贍其徒

詔有司毋令侵奪煩擾前所錫

御衣

勅中書參知政事趙世延為文紀于石自公之來元
訓是崇祠官祝釐貺施如響其大彰者者延祐乙卯早
公禱焉大獲甘雨宰臣致幣文臣詩之冬十二月星芒
見公肅將盛祀竣事而星退舍 賜白金泉幣荐禱
雨于 兩京皆應不踰期

帝言顧謂侍臣曰真老成人也未幾

命翰林學士

承 旨趙孟頫贊公像且加

御盥其上前是為儲壽寧之北斗殿既又即長春建殿

以奉法主令參議中書省事元明善誤詞勒碑昔公居
終南嘗為鳳翔李氏有禱致雲見五色大夫士覺為詩
文以表徵祥人意公靈符秘籙動致字感不知精誠之
杜與神明會非方士曲學誦恠忽荒之謂也公念道有
統紀若于李穆王諸師請叙增封號用敦報本作甘
河橋以昭金正隆間祖師過仙之所時元明善遷
翰林侍講學士

勅為書成績至是公老矣上章乞西歸逾年

今上可其奏 陛辭奩香給驛以還暨入關觀者夾

道嗟異至治元年夏避暑靈泉觀八月朔夢作浪淘沙

曲皆辭謝榮名逸老林泉等語越五日大雨望浴作頌
備然委蛻無怛化意公生宋淳祐癸卯六月三日壽七
十有九諱德或字用章其先吳人有官于蜀者自唐僖
宗書採氏書樓而族益宏衍在宋則有御史中丞抃以
伉直聞公蚤棄俗志老氏學深有契乎見素挹樸少私
寡欲之旨卒能以善終始保其名譽可謂有德君子者
矣每暇意作字為詩文有希聲集傳于世牘其室曰履
齋弟子任道明張若訥顏若退趙道直景若冲等卜是
年九月十二日塋公于終南山仙游園楊太初曰吾師
徑矣不可以無述末謁銘文原忝居集仙之署義不得

辭銘曰

惟道沖漠 惟民敦茂 俗化澡淳 日與物媿 至

人虛靜 克守至正 一氣孔神 百靈順令 陟降

在茲 昭假非違 道豈遠而 方伎汨之 巖嶭坤

維 峨眉之麓 曰書樓氏 右江鄉族 粵生聞孫

潔身叢阿 口性葆光 抱德煬和 維

帝蘭在 鶴書未徵 耆俊登崇 元教以興 接神

明廷 禋祀靈時 祈禳雩禳 亦資變理

帝用蕃錫 曰于汝嘉 繫黃冠師 圭衮之華 公

念休老 陳詞于再 雲軫鳳馭 歛其西邁 居有

園池 樹有松檟 不辱不殆 孰踰公者 迅景幾

何 德人其亡 不亡者存 雲山蒼蒼 終南仙游

游乎太姑 銘詩樂石 光昭曷已

元統三年歲舍乙亥九月吉日建

特進神仙元門演道大宗師重元蘊真宏仁廣義
大真人掌管諸路道教所知集賢院道教事完顏

德明

孫真人德或碑鄧集賢文原撰趙承旨孟頫書德或
即書重陽真人碑者也承旨此書不甚取骨而姿韻
溢出於波拂間蓋能用大令指于北海腕者也

舟州山人

一道流而能令翰林諸名公為撰文為寫碑彼時道
教之重如此今時不能爾也

書畫跋跋

趙文敏書道行碑更覺圓秀王元美云字音溢出於

波拂間蓋能用大令指於北海挽者信然

庚子銷夏記

此趙孟頫書雖出李北海而加以婉媚所可取者生

宋四家後能一變其頽軟筆耳以方北海北海瘦而

勁拙于藏鋒承旨肥而緩巧于取態而元美謂姿韻

溢出于波拂間蓋能用大令指于北海脫者其然乎

他日又曰承旨可出宋人上比唐人尚隔一舍此則

定論也 石墨錫華

右孫公道行碑鄧文原撰文趙孟頫書德或沒于至治元年文稱今上者謂英宗也松雪於至治二年六月卒碑末云元統三年歲舍乙亥九月吉日建蓋二月公撰書之後又十餘年而始勒之石碑末所題年月及完顏德明題名皆後人續書非松雪筆也篆額者為趙世延其署銜云前中書平章政事翰林學士承旨知制誥兼修國史奎章閣大學士魯國公此天歷以後世延所歷之官松雪未及見也亦後人追書

堂版尾

潛研

古緱氏縣重修泰山廟記 正書額篆書

石長五尺五寸寬三尺

二十行行二十八字

後學賈昌文撰

望江縣儒學教諭王

夫禮祀名山始多于轅后及帝舜巡狩至方岳燔柴告
□□望□而祭□三公視五嶽然必稱岱宗為首以其
處東北寅丑間萬□□□□□□之所為宗於衆山
故也凡易姓受命報功告成東封其上□□□□□□
元一十三載錫以天齊王爵宋真宗遂加之帝號故其
祠宇□□□□□□編方下洎黎庶祈報者咸享焉東周

古緱氏縣之廟五季末□□□□□姓者初捐貲買地
而建之宋祥符天聖元祐間緱而修復恢□□□□□
土守福也前金承安泰和之際斲礮石柱增脩其功
者十□□□□□□□□□也由茲而降迄今閱歲餘百棟撓
梁壞風雨弗支貌毀壁圯□□□□□三門六□密屏
迴廊崇深宏偉冠于佗州者不能存其十一□□□□□
□衆曰茲廟之置其來永矣吾儕每值旱乾水溢則致
禱于中□□□□□稔皆靈貺也其正寢崩敗若斯展
敬無所縱不能改作寧無□□□□□而和者百有餘
人遂鳩財協力徵匠正□材木撤去其朽斲□□□□□

丹雘華彩絢爛改塑神容冠被嚴肅升其堂如登天
門之高□□□□□之表是功也興於皇慶癸丑至延
祐丙辰三月甫落其成衆□□□□余余以桑梓之故
辭有弗獲因論於衆曰泰山之雲膚寸而□不□□□
□下况其神之精爽乎苟存誠以感之則其應也有不
疾而速不□□□□子之衆於斯廟也不既誠矣乎推
是道以往尊其親弟其長而
神休祐曷其有
已不然眩其土木壯麗而謂神專在是豈理□□□□
□樂書以告來者元統三年十月望日立石

石匠 夫□□

濟州重修廟學之記

正書

陶家書

碑連額長八尺九寸寬三尺三寸十八行四十一字

天家包舉六合誕敷文德涵毓元元匡直輔翼俾自得而振得之由京師以及郡邑莫不廟祀孔子教化原也濟州孔子廟其始狹陋不稱至元末監州朝成奠公德方肇增崇殿宇繼而雲內郭君景仁洛陽李君宗武為州經營締構門廡書閣講室齋次峻峙雄列岑乎其巍翬乎其飛邈乎其餘州不可得而擬也厥後綿歷歲月風雨攸食日漸月漬木朽土渝傾圯殆甚至順癸酉祁陽張侯仲仁來知州事下車謁拜觀其如此大懼失

其所親敬其所尊于以報功而崇德尚薦其慶以相斯
文齊國公升梁紇可加封啓聖王魯國太夫人顏氏可
加封啓聖王夫人主者施行

至順二年九月 日

上天眷命

皇帝聖旨我國家博典禮以彌文本閨門而成教乃瞻
素王之廟尚虛元媿之封有其舉之斯為盛矣大成至
聖文宣王妻并官氏來嬪聖室垂裕世家適豆出房因
流風於殿禮琴瑟在御存燕樂於魯堂功言邇若於遺
聞儀範儼乎其合德作爾禘衣之家稱其命鼎之銘意

趙商輔具石篆美走與侯有一日之雅適僑于濟商輔
等以處士段寬事□□文辭請再三謹為次第其歲月
又惟興化致理莫先學校侯能循序急所先務俾郡之
人顧瞻所以□敬聖人之至為學之念油然而生父兄
命之子弟率從弦誦載興比屋達境軋乎鄒魯之盛將
見鉅儒名卿聞見迭出于時矣曩東平行臺嚴公興學
養士其所以作成人材為天下稱首收實效而貽鴻休
至今賴之濟鄆接壤耳目尚新無煩徵古詩曰豈弟君
子遐不作人若夫推侯之心追嚴公之迹以興學育才
□務著菁莪之美勿替引之則侯乎君子焉耳濼陽宰

明遠記并書承務郎濟寧路同知濟州事僕朝吾篆額
元統三年十一月十有三日辛卯州學正趙商輔學直
王志規等立石 州人王惟功同弟克敬刺

濟州重修廟學記碑陰題名

□□□□□□□□□□□□□□□□□□□□
兼管本州諸軍與魯
勸農事□□□□

奉訓大夫濟寧路濟州知州兼管本州諸軍與魯勸農事張仲仁

承務郎濟寧路同知濟州事楔朝吾

承事郎濟寧路濟州判官張忽都帖木兒

吏目劉良 成謙

司吏馮必□ □□ 郭從義 □德 戴好古 李

伯□ 馬明德

典史宋大亨 傅敬和 □□ 王□ 徐元 鄭

惟允 張居信 王□□ 劉士敏 徐允 李鑑

徐復源 張世□ □□ □□ □安信 張

克遜

承事郎濟寧路任城縣尹兼管本縣諸軍與魯勸農

事□文昭

將仕郎任城縣主簿王汝楫

任城縣尉李居貞

蒙古學正梅也先 醫學正詹伯玉 儒學教諭王

亨

曹州尹王朝列

河南口路總管口口口

翰林國史典籍官口將仕

口德府判官口承務

濟州同知明里帖木兒承務

口平縣尹張承務

敦武校尉宿州翼管軍百戶高守中

口口口敦武 郭宣差 蔣宣差 姚主簿 陳主

簿 曹照磨 孫書吏 劉縣尹 孫教授 潘學

正 谷學正 鹿敏 石成祖 柳至口 呂道亨

范天驥 高明 陳鵬翼

濟州路□領□□□□使張守智 副使□知□□

□□

行用庫大使劉佑 副使□□□□□□□□

□□

馬站提領□□□□司吏□□□□

水站提領□君□田□□□

耆德□□□胡□□傅興 彭慶 劉海 楊

思林 戴□□白璧 王□□榮秀 周□□

□□□□趙壘 □□劉源 王□胡

□信 潘茂 胡友□ 楊全 王安寧 力亮

楊王春

監造典史王思迥 □□□

典史張克庸

司吏林異 □□□ 粥 友賢 劉璧

尉司吏朱仲明 □級 孟合

醫學教諭□□□ 州學吏絳□□

陰陽學正江□ □□□□ 前□學直王□義

任城縣貼書董宗輔 戴□ 張渾 □□禎 劉

□□ 張承先 孫繼祖 張彬 謝克信 董□

王慶
李思誠
周亮
郝傑

祀太元妙應真人記

正書

額篆書

碑長四尺寬二尺共高二尺

十二行行二十九字隸而楷州

元統乙亥二月望日

制授洞陽顯道忠貞大師諸路道教都提點中嶽廟住
持都提點井公趣裝領嵩山中嶽廟事將之陝右沈陽
靜明萬壽宮

特奉

完者台皇后懿旨曰嘗聞五臺靜明宮為唐孫真人道
場也若往彼當貴捧

御香祝文於其處行降致祭庶幾福我有

元宗社無疆之祚公唯其

命即於是歲十月詣還靜明謹擇日齋戒行禮是日也
風靈沉寂天朗氣清有以見將事者誠恪而表

宮闈之至敬也仙靈之垂佑也必矣敬再拜而刊之石
以壽歲月云西山逸民周德洽記

祭文

真人太元 毓秀唐年 芳名偉躅 千載依然

氣合鴻濛 神叅太極 尚異仙靈 福我

元國伏惟 尚饗

至元二年歲次丙子上元日

賜紫洞和明道崇真大師提點知本宮事楊德榮
寺立石

賜紫洞照明元虛靜大師奉元路道門提點本宮
住持兼宗教事焦德潤

耀州吏目趙鼎 耀州儒學正李權

承事郎奉元路同知耀州事蒲庸

奉政大夫奉元路耀州知州兼管本州諸軍奧魯
勸農事郭瑛

奉訓大夫奉元路耀州達魯花赤兼管本州諸軍
奧魯勸農事亦刺馬丹

裴德和刊

原书缺页

原书缺页

洛陽懷古四首正書

石橫長三尺六寸
寬二尺二寸二分

金谷繁華東綠苔，上陽羅綺暗塵埃。
風連砥柱河聲壯，雲駕扶桑海氣來。
秦樹夕陽歸鳥盡，漢陵秋草老狐哀。
獨憐一片印山月，曾照當時王輦迴。

深谷高陵劫火空，離宮禾黍又西風。
斷霞落日低秦樹，衰草寒煙鎖漢宮。
巖嶺雲深鳴夜鶴，禹河天遠下秋鴻。
傷心欲問興亡事，洛水悠悠晝夜東。

帝走中原百戰餘，塵生滄海竟遺珠。
天王北狩虛周鼎，伊闕西來真禹圖。
上苑平蕪秋射雉，女牆老樹夜棲烏。

綠珠樓上西風起，慚愧王敦擊唾壺。

自古中原壯九州，昔人城此會諸侯。
漢興黨錮三綱墜，晉尚清談九鼎休。
洛浦寒波無晝夜，玉川破屋幾春秋。
惟餘維氏山頭月，伴我乘槎泛斗牛。

元統三年歲次乙亥孟秋朔備負御史張翔雄飛
留題

洛中懷古

攬轡登臨感興濃，東都形勝古來雄。
兩關地阮東，西外一氣天。
分子午中雲澹嵩，印高塚在水流伊洛。
故城空銅駝陌上，思前事落日惟聞牧笛風。


元統甲戌九月十一日

西臺都事劉質文美題

至元二年歲次丙子仲春吉日立石

王恭敬刊

池五七



西湖書院三賢祠記

碑長四尺四寸寬四尺五寸
二十二行行三十一字

西湖書院本故宋太學其初岳武穆王飛之第也歲丙子學與社俱廢至元二十八年以其左為浙西憲司治所其右

先聖廟在焉三十一年東平徐公琰為肅政廉訪使乃即殿宇之舊改建書院置山長負主之先是西湖鎖瀾橋北有三賢堂祀唐杭州刺史白文公居易宋和靖處士林公逋知杭州事蘇文忠公軾於是奉以來祠之元統二年秋大成殿東南角壞葺之者不良于謀因盡撤

而治之費浮而物竅功未集而逋已積泌來承乏竭歲
入不足庫養既弗贍教於何有翰林余公謙國子助教
陳公旅提舉江淞學事蓋深憂之至元元年乙亥秋魯
郡胡公祖廣繇江西行省參知政事來為肅政廉訪使
凡工賈之未康者日訴于庭乃詢于提舉提舉白其狀
胡公矍然以為已任即檄真定萬戶府鎮撫符公倫覈
實其費去其浮三之一時淞東道宣慰使鐵木哥公來
監憲司事治書侍御史衛郡李公嘉賓參知淞省事胡
公與之謀俾儒司以淞右郡縣學書院羨財助之憲司
經歷程公文輝知事徐公宗仁咸輔成之憲史忽都海

牙承贄唯力於是宿逋清而繕脩之事備矣乃扁三賢祠曰尚德徐公祠曰尚功列志仁集義達道明德四齋以居多士立大小學以迪後進闢思敬齋以為會采致齋之所既成士子言於泌曰子之至不幸承前人之弊以弗寧于教養幸茲底寧其可忘所自乎宜紀諸石嗟乎聖人之道與天地同流無適不在學者來游于湖上心遊乎泗沂鳶飛魚躍各極其造聖謨洋洋固在是矣若夫三賢所以得祠者亦以其立朝風節與隱居以求其志皆有關於世教也然則篤意於是後者豈無所謂而然哉於是乎書至元二年夏五月朔山長陳泌記賓

序前本院山長承務郎平江路吳縣尹陳恕可主奉將
仕郎建德路總管府知事孔文學教導黃彛謝瑛儒職
張慶孫張榮老直學張慶仁儒人陳珪陳永錫范繼孫
陳垣孫沈富仁顧昌大范儉孫魏必明殷宏毅吳禎盛
明德等立石

司吏吳元澤

刻者謝文炳

濟州重修尊經閣記

正書

額無濟州二字篆書

碑長八尺八寸寬三尺九寸
二十四行每行五十四字

通奉大夫江南諸道行御史臺侍御史前進士張起

巖篆額

徵事郎湖廣等處儒學副提舉眉山王宜振撰

前東平鄉貢進士肥城尚甘澍書丹

學者欲求帝王之治於千百世之下者惟觀乎道欲求
帝王之治與道惟觀乎經經所以載道也人之所以為
人帝王之所以為治聖人之所以為教何莫非道筆之
於經垂之萬世昭若日月人生於數千載百之下不能

得聖人之道於口傳面命之間則考之於經信而有徵
不啻如親相授受舉而措之國家天下施之禮樂刑政
士君子得之以膏馥其骨髓黼黻其文章發揮其事業
經之有益於人也多矣學校乃宣明教化之地聖人以
道為教將以厚人倫美教化移風俗捨經何以哉閣而
度之時而閱之哉冠博帶以臨之以示尊禮之意此閣
之所以名也濟為四瀆之一距洙泗為甚近杏壇本釋
之遺響日接於時人之耳目經訓脩明道化淪浹千載
一日衣冠文物之盛甲於他所巋然靈光宮殿突兀環
以三門翼以兩廡聖師像位繪塑如法又有重簷傑閣

屹乎其中榜曰尊經凡古今之奎章寶畫聖經賢傳諸
子百家奇聞異見之書皆錦標玉軸寶而藏之於其上
以垂久遠向所謂石渠天祿芸閣秘府之儲將不是過
蓋大德戊戌知州克誠李侯之所建距今二百餘甲子
矣歷歲愈遠摧圯滋甚職教者以歲入之不給坐視其
敝而莫之恤甚非所以尊禮聖經之意元統乙亥之夏
同知俱朝吾來佐是拜見而惻然大懼風雨凌震椽桷
腐落倒架頽籬散亂編帙使為士者於聖人之教無所
聞為政者於古帝王之治與道無所見將何以訓於今
而傳於後此實有關於風化之大者乃喟然歎曰朝吾

不才聞道最後雖不獲親炙聖訓猶幸得口誦聖經接
於目而會於心以增益其所未能今承乏此未遑觀斯
敝安敢以郡事之不理為辭而付之悠悠乎乃斷自心
畫會材委工而經理之工費浩繁學無恒產則首捐庠
稍以為之倡不給則以諗夫邦大夫士之仁且賢者與
夫民之可以義起者叶力以贊其成傑棟飛雲重簷溜
雨梯衝染椀七口暨丹牖咸與維新矣而不卑文而不華
廼架廼櫝經史異嚮軸帶帙籤新若未觸觀者讚歎既
成僕君以疇昔之知貽書遠求余文以為記將勒之
石以傳久遠余雖不獲親覩其盛然亦喜聞而樂道之

乃為之說曰大哉聖人之道乎窮天地亘古今而不可
泯也人文肇開明聖繼作宓犧氏以書契代結繩而文
籍生焉自是以來歷皇帝王霸漢晉隋唐幾千百年以
迄于今而其為經則有墳典索丘書史詩春秋禮樂興
歷代之信史及百氏締章繪句散滿天下其人亡其書
存其政與教未嘗不舉也嗚呼經之不可一日無也如
是饜君撤而新之以固其藏其為天下後世慮也遠矣
是不可以不書饜君字世則妙齡好學至治辛酉科進
士其昆季登上第者六人詩書之澤未艾也故其為政
知所本云

至元五年歲次丁丑六月 日 學正仙抱一

直學王志規 嶧山碧雲李道誠立石

石匠王惟恭同弟克敬鑄

三清龕復出記 正書

石橫長二尺五寸寬反五寸三分
五分共十三行行十字隸書△△

虛舟道人盧德洽叙

大元至元四年戊寅春領通元宮主明德真人陳德新
宮宰徐德清因治址而為基業得□是龕之復出以文
背代明練高士之製噫人依神而立抑亦從之者乎是
乃陳君誠意懇切隱顯出沒致祥之驗乎因以書歲月
云爾

繪江陳桂嵩

道士□□□□石

有元贈中奉大夫湖廣等處行中書省叅知政事

護軍追封魯郡公許公神道碑銘 有序 正書

碑橫長五尺六寸寬四尺四寸共七十六行行三十六字

翰林侍講學士通奉大夫知制誥同脩國史

兼國子祭酒歐陽元撰

翰林學士承旨榮顯大夫知制誥兼脩國史

趙孟頫書篆

安陽公居政府之五年一日得請于朝既釋機務

將歸省其先塋於洹水之陽以顯考魯公行狀命其友

歐陽元文諸神道之石元惟方今公卿大臣辭翰擅美

無以右安陽公兩都有大營繕諸臣僚家先世碑板咸以奏請屬筆安陽公為榮於法當援吾宗究文忠公例自表厥考崇公之阡又自書之為宜安陽公堅辭以為不可乃勉叙其行實而銘之魯公諱熙載字獻臣姓許氏生七歲孤太夫人挈之依外家公多有異質處群髫中終日持重寡言稍長攻讀書習為雋二十能舉子業有雋譽年及受室娶里中名家外舅任胡廣行省公欲就學東南因往焉遂為當道所知以行省檄辟德慶路提控按牘由是以本職歷永衡兩路湘潭一州凡三考成資調長沙稅使遷臨江撫州兩路總管府照磨進

將仕郎湖廣行中書省理問所知事改從仕郎會福院
 照磨兼管句承叢架□□位不滿德而所至稱職吏服
 其能民懷其惠不可悉數其一二存諸簡書略見始末
 者若在德慶時鄰獠軼境州將趙往督捕府無它官以
 次攝事公料丁壯輸糗糧高城深池備禦有法會城中
 民饑比馳狀請粟而先以賑貸民用無它虞將士俘鹵
 有愬非辜宣慰部使者雜譏之渠帥利所獲從旁執爭
 公駁之□寇徒脅從猶當理出王民躡入賊衆又從而
 威獲之可乎上官用其議薄有□驗皆免為民□是公
 以新進下僚代搃郡寄一切興發事皆已出當道意頗

甚之寇平吏民咸稱其應變方略有餘又見其面折元戎脫民于殍乃更賞嘆共剡薦之在永永尚巫鬼里社昇土木偶相昏□服食共具以侈相奪民坐凋劫公衆樊侯毀淫祠數百區以窒其妄又撤其村以給費舍公廨倉庫之用公私便之在衡安仁盜袁舜一怨苦播州餉負險挺亂既誅 朝廷宥其餘黨甚衆民有越軍

若為竊攘者有司得之獨以強論不赦公曰彼從盜為亂猶貫珠死此因亂為盜乃服上刑不申請併彼舍之議上卒從其言□□□□□□□□重二者嘗過友家乘虛禱□□□鐵器以歸友蹤跡甚急范慚怖而返之物游

檄發擿之拘范及友於官公推讞得實既而有赦吏欲
墨范辟景跡其身公謂詞未送官物先入主法不涅亦
不當錮范卒為良民在長沙征算不苛羨增秋毫歸官
在撫州豪民有龔胡者偽造楮幣十餘年轉鬻閩浙聲
已狼藉計贓自首官疑有隱索之闕地得宿用板印經
數皆倍所首獄輸 朝廷遣使分道處決龔厚賞祈
免姻族又助其營採已議減死公持不可曰首竄隱多
去未存本與未首同眾莫能殺乃寘諸法未奉祠在京
□祿優暇而年近休致諸子又皆顯融力請謝事未報
得瘖疾薨于官生以中統二年辛酉十一月丁亥薨以

泰定四年丁卯二月癸酉壽六十有七葬以是年十一月壬午村安陽武官原新塋許氏世居許昌曾高已上金亂失譜祖考隱德曠僚諱信考贊彰德湯陰因徙家焉初贈亞中大夫彰德路總管輕車都尉退封高陽郡侯再贈嘉議大夫僉書樞密院事上輕車都尉退封魯郡侯諱毅妣以孫婦趙氏讓封初退封湯陰縣君再封高陽郡君累封高陽郡夫人進封魯郡夫人姓宋氏公初贈嘉議大夫禮部尚書上輕車都尉退封高陽郡侯進贈中奉大夫湖廣等處行中書省叅知政事護軍退封魯郡公配高氏萬寧縣尹榮之女初封恭人再封湯

陰縣君累封高陽郡君進封高陽郡太夫人追封魯郡
夫人恭謹令泫孝敬事姑惠慈睦姻性多愍惻尤樂施
予聞故舊家有喪致廢飲食極閭里貧病如掇溺焚魯
公待客好豐諸子隆師蓄書嘗鬻簪珥以繼其資雖居
中饋經營彌縫能使夫子處約之久不失令名有古賢
媛之風焉至順二年辛未五月庚子卒于揚州壽六十
有七□僉輻而下皆以安陽公貴推恩伯子有恒大寧
路儒學正調大理路軍民總管府知事薦於養志力於
幹盡魯公年四十不親細故內獲夫人儉勤之助外藉
伯子□敏之資□□安居樂道專致教子以有今日先

魯公祥之二日卒年四十有五時論惜之娶李繼狄集
賢直學士文忠之女仲子有垂是為安陽公登延祐
年進士第初授同知遼州事歷山北廉訪司經歷吏部
主事南臺內臺監察御史詹事院中議中書左司員外
郎右司左司兩郎中兩淮都轉運鹽使兩為參議中書
省事治書侍御史陞中奉大夫兼奎章閣學士院侍
書學士同知經筵事拜中書參知政事轉通奉大
夫以本官知經筵事在位有相業臨事決議不愧古
人以封讓祖姑者其初娶景州儒學教授永平趙兼善
女金源世科進士家也繼室趙氏銀青榮祿大夫中書

平章政事魯國公世延女也並封魯郡夫人姁子有儀
經筵檢討武昌水陸事產副提舉娶劉平江知州傑
之女季子有孚國學上舍生登至順元年進士第授承
事郎湖廣茅處儒學副提舉改湖廣行省檢校官娶張
繼賈安慶搃管汝□女也女二長異貞適江西行省都
事趙彛次安貞未嫁而卒孫男四寶山燕山白者黑者
孫女五小茶三茶增茶順茶相茶公器識深長學問薦
實內行慎獨外交盡忠性不能酒長夏盛暑衣冠儼然
書不釋手為貧謀養不擇祿仕間闕外補四十餘年儻
屋以居糴市以食親故嘗靳之曰君位劣祿薄親年又

高何猶不至是公笑曰為臣當廉何有大小之別記獨不云小臣廉乎宋夫人年二十八居嫠守節自誓迄公成人教育甚至公遇事終身子職無關司征長沙作綵衣堂以志其樂宋夫人病利力求去職侍疾寢食為廢初壻號慟絕而復蘇柝殯原上苦幽廬墓者三年每晝端坐木下狀如泥墖樵夫牧豎迫而視之始驚為公年踰五十時祭必失哭必致哀壻禮倣古不用緇黃人始議其儉及送終之厚祀事之豐莫不願習行之既祥非疾病蔬麩不御臨江之除訝吏再四必後其妻孥守邱壠乃去今長沙人即公廬墓之地作書院以表其孝請

于中書得永額所植松柏愛護之成林晚歲斫精理學
易箒之年正月朔日命諸子講周子太極圖說至原始
反終慨然而嘆因論人世備短有若將終焉之意舅氏
宋君寶蚤年擇師訓公遇若已子公迎養以禮有子為
娶令族俸入盡以資之□□□□東程岡曰以東岡
為號後更號真拙著經濟錄四卷女教六卷尤長於詩
有東岡小藁傳于世

仁廟初策進士漢人賜緋者十有一人唯安陽公年財
二十有九父母具慶時人歎之每以為義方之勸公在
會福安陽公官已鄉士而公身教嚴厲安陽公出入必

咨□然前脩家法公疾禱神謁醫靡不極至公薨貧不能治歟又思得羨纒哀慕不知所為

朝廷聞而厚

賻之始克歸葬公墓墓土未燥安陽公數遷遂至宰輔故贈親之典備極闕榮惟公生平種德行義自厚於躬而逡巡退託未嘗有幾微責報於天求上於人之意迨夫積善之報在理必然則人固莫之與京天亦莫之或違也狀公行者為今南臺侍御史濟南張公起巖志公壙者為今御史中丞浚儀馬公祖常至元為神道碑三人皆安陽公同年進士嗚呼斯亦他貴臣家所難而魯公有焉銘曰

允矣魯公生而敷旻為儒則通治吏不允儒通不窮若
歲徒枉吏允則蒙乃昏然釭菽聲粵禹初武之登嬰身
事衝不震不撻憂民有忭遇事無懼或縱爾于量或逸
爾于縱或觸爾空伺或鞣爾幻唯世涂憧憧公志控控
為于颯颯與俗異腔且行且□孰搏孰控盤桓令終德
厚信矸荆士景從康隱維麗江夏向風贊孝無雙釀河
為澗導岷為江涿源之鴻沿流澁澁高陽豐彤庭堅允
降仲才棟隆仲力鼎扛公也亢厥宗仲也爽我邦洹水
泮灑□行崆嶲面山為雄厥水勿涿若堂其封堅珉如
玕石人載礪其樹如幢仲詞春容銘諉友恣公當如□

□□□田龍

至元四年歲在戊寅八月吉日建

能靜處士茅紹之□勒

昌欲謁安陽公墓以事不果從吏云墓有公神道碑
高丈二尺餘四面各可四尺皆有字趙文敏公書也
昌使之拓墨本以來迺安陽公之父魯郡公墓碑歐
陽文公為文茅紹之集文敏書刻之安陽公終迺無
為文刻之碑者

中州文表

葉文莊公盛云古人所作墓文碑誌啟述子婦者甚

少詳書其子之行實生卒及婦家之世出者加少也

惟歐陽圭齋於圭塘之父獨然豈變例歟

古夫于亭雜錄

案碑少有剝損惟後載能靜處士茅紹之口勒、上一字鐫鑿無可仿据中州文表及郭文簡並云集趙文敏書是集勒也紹之與文忠同時見至正集有同茅紹之飲野人家蔬圃二首詩即此碑題能靜處士者觀其與許公偕遊可以微似其人矣後又載至元四年歲在戊寅以紀年彙考推之是為後至元中州金石記授堂金石文字續跋卷列入前至元是時許公猶未降生也許公以至元二十四年六月生迨後

至元四年立碑公五十二歲距家魏國公之卒在至
治二年六月己十七年矣二跋皆沿於不審戊寅紀
歲乃致此誤故書之以為考古者戒

安陽縣志

御賜尚醞釋奠記 正書 顏篆書

石長六尺九寸五分寬三尺一寸
二十二行行二十五字

嘉議大夫益都路總管東野潛書

奉訓大夫社稷署令蔡思忠篆

至元五年後己卯正月

皇帝田于柳林以上丁在邇允

御史臺

奏因

宣聖五十四代孫監察御史臣思立出

上尊酒釋奠于闕里遣御史從事臣高元肅駟致之禮
竟曲阜縣尹權祀事臣孔克欽言于宗黨曰茲誠希有
之盛典不識諸石罔以昭後于是其宗人前湖廣行中

書省都事臣思迪等屬臣宜記之宜延祐初科進士且
嘗助教國子掄揚

聖德職也遂不敢辭而諾之曰

吾夫子在魯哀公雖誅之而未極其尊漢高帝雖祀之
而未盡其禮後代褒崇封爵之未悉其道詎若

皇元累頒

明詔既於至□文宣王上加封以大成復於二丁永享
以太牢重以香幣白金之
錫奚憲再三寅奉尊
隆

禮意淵博邁越古昔遠矣今憲臺擴宏
禡典霽光

祿之

大釀以備祖庭醴酌豈惟孔氏子孫有光實天下儒服之士舉有光也迺拜手稽首而樂為書之朝散大夫濟南路棣州尹兼管本州諸軍與魯勸農事臣梁宜謹記
宣聖五十五代孫從仕郎濟寧路曲阜縣尹兼管本縣諸軍與魯勸農事權奉祀事孔克欽立石

大元勅脩曲阜宣聖廟碑

正書 額篆書

碑長二丈一尺五寸寬五尺六寸
四十二行行百字

翰林侍講學士通奉大夫知制誥同脩國史

兼國子祭酒臣歐陽元奉勅撰

奎章閣學士院大學士資政大夫知經筵事臣爨

爨奉勅書

正奉大夫侍御史臣張起巖奉勅篆

今上皇帝臨御之七年歲在己卯春三月戊辰御史大夫臣別里怯不花臣脫脫等言天歷二年十月

文宗皇帝在御奎章閣學士院臣沙臘班等列奏曲阜

宣聖廟自漢唐宋金凡有隳廢必奉勅繕修功成則勒之石衍聖公以舊廟將壞飭書奉圖屬學士院以聞時

文宗攬圖諭 旨省臣趣修之事竣則立碑以詔方采今新廟既完而成績未紀懼無以稱塞先 詔御史

章上臣等僉議請 勅翰林侍 講學士臣元為文

奎章閣學士院大學士臣屢屢為書前侍御史臣起巖為篆以臺儲中統楮幣二萬五千緡為立石之費制皆允廼命 宣聖五十四代孫御史思立傳

勅臣元俾篆其事元拜手稽首言曰天佑下民作之君

作之師昔者伏羲神農黃帝堯舜禹湯文武數聖人者
作君師之道備於一人用能左右 上帝克綏厥猷

吾

夫子出天獨畀以師道凡天叙天秩天命天討之

事

夫子明禮樂刪詩定書讚易道修春秋而品節

之以為百王法於後世儀封人曰天將以

夫子為

木鐸子貢曰固天縱之將聖

夫子自論斯文之任

上以屬於天下以屬於己使得位設教即前數聖人所

為繼天立極者也是故天欲興一代之治則吾 夫

子之道必大昭明於時歷千萬世如出一轍

皇元龍興朔方

太祖皇帝聖智天授經營四方

太宗皇帝平金初年歲在丁酉首

詔孔元措罷封

衍聖公復孔顏孟三氏子孫世世無所與增給廟戶皆復其家是歲歷日銀諸路以其半益都東平以其全給修宣聖廟尋詔元措拈金人禮樂官師及前代典冊辭章鍾磬等器以數來

上仍命於曲阜閱習禮樂以備時用又詔諸路設學遣官分道程試儒業

世祖皇帝初在藩邸多士景從作其即位大召名儒開廣庠序命御史臺以勉勵校官國子監學以訓誨胄子

他七六
大司農以興舉學社興文署以板行海內書籍提舉教
授以主領外路儒生宿衛子弟咸遣入學輔弼大臣居
多俊乂內廷獻納能明 夫子之道者言必稱 旨
在位三十五年之間取士之濫興學之條日討論之規
撫益宏遠矣

裕宗皇帝時在東宮贊成崇儒之美

成宗皇帝克繩祖武銳意文治踐阼之初 詔曰

孔子之道垂憲萬世有國家者所當崇奉既而新作
國學增廣黌舍數百區胄子教養之法始備

武宗皇帝增興制作加號 孔子為大成至聖文宣

王遣使祠以大牢

仁宗皇帝述

世祖之事宏

列聖之規尊五經黜百家登崇俊

良以張治具我朝用儒於斯為盛

英宗皇帝鋪張鉅典廓開弘文

明宗皇帝凝情經史愛禮儒士

文宗皇帝緝熙聖學加號

宣聖皇考為啓聖王皇

妣為啓聖王夫人改鑄衍聖公三品印章賜山東鹽轉
運司歲課及江西江淞兩省學田歲入中統楮幣三十
一萬四千四百緡界濟寧路俾修曲阜廟庭

文宗賓天

太皇太后有旨董其成功

今上皇帝入續丕圖儒學之詔方頒闕里之役鼎盛山
東憲司泉濟寧揔管張仲仁曲阜縣尹孔克欽涖事共
恪以元統二年四月十一日鳩工至元二年十月初吉
落成宮室之狀以寧神棲樓閣之崇以度寶訓周垣繚
廡重門層觀丹碧黝堊制侔玉居申命詞臣揚厲丕績
於是內聖外王之道君治師教之誼大備於今時猗歟
盛哉

皇元有國百餘年以來繕脩宣聖廟者在丁酉之

初以開同文之運天歷之際以彰承平之風東冒出日
西踰昆侖南盡火維北際冰天聖道王化廣大悠久相
為無窮端本實在茲矣臣元奉 命撰述有 詔

御史思立奉祝幣牲齊馳驛往祭告庶成功臣元既序
顛末請系以詩詞曰

庶初生民 倥侗顛蒙 三五繼作 大道為公 風

氣日開 民習日漓 道統絕續 孰綱孰維 少昊

之墟 東魯之土 挺生聖人 以淵萬古 聖人既

生 代天以言 立我民極 與天並存 惟皇建極

專用其道 百王軌範 予以順攷 三光以全

寒暑以平 俊民用章 時迺迂衡 天

子垂拱 大臣承弼 體信達順 鳳麟時出

皇元之興 厚集大命

太宗興文 首法 元聖

世祖龍飛 髦士屬心 恢宏文治 濬發德音 世

及三紀 仁漸義靡 建學立師 善人用多 温文

裕宗 祇荷詒燕

成廟崇雋 迪若天顯

武皇英毅 入繼離明 載崇激號 玉振金聲 濬

哲

仁皇 文德繼世 誕揚祖訓 顓俊尊 帝

爰及

英宗 禮樂孔殷 穆穆

明考 蓄德懿文

文宗 績緒 聖聖克肖 廼開奎府 廼飭孔廟

今上 嗣位 丕式大猷 勒石新廟 宏賁鴻休 新

廟奕奕 泰山具瞻 衡統絃綖 衮衣檐檐 維宗

維金 遺刻具存 於赫我 元 冠冕百代

我 元聲教 極彼堪輿 黌舍萬里 誦

詩讀書 維茲曲阜 斯道之壺 如水有源 如木

有本

皇鑒在上 執我道樞 相我

熙朝 躋民唐虞 曉言臺臣 職是風紀 昭

宣 睿謨 是用歸美 聖道王化 如日麗天

儒臣詠歌 億載萬年

至元五年歲次己卯十一月吉日建

新安詹獻刻

碑陰

多列各官姓氏共計三十五行在陰之上截

奏事御史臺臣

御史大夫

別里怯不花

脫脫

侍御史

達世帖睦爾

何約

治書侍御史

韓鏞

殿中侍御史

脫脫木兒

經歷

吉當普

都事

王守誠

師伯顏察兒

監察御史

別魯沙

帖木兒不花

忽里哈赤

蠻子

不花察兒

佛嘉間

哈刺

威普

阿塔赤

孫兒只班

卜顏

完者帖木兒

阿刺忒納肅哥沙刺班

崔帖謨通普化

李獻

孔思立

趙榮

康庸

張遵義

孟泌

董鎰

趙麟

呂彝

史經

洪丑問

王理

何執禮

管旬

也兒吉尼

亦思哈

照磨

靳義



李君義行記 正書

碑長七尺半寸寬三尺五寸二十五行行五十一字

贈從仕郎奉元路咸陽縣尹固毅撰

前進士董立題額

前河東鄉貢進士薛均書

富屋五福之一人之性□所不學而俱欲者也處得其道則為德為義為阜厚為完美否則為吝為驕為貪得為怨府為禍階是以君子藐不義之富而尚夫喜施然世固有傾萬金之資以食客分千金之產以業人者苟不□□□以宜其適非大姦即大似是又與於不義之

甚也蓋財者生於百物本於天地不可妄求而□得生
之有道則積有餘用之以禮則利於物而所及者溥故
易繫云何以聚人曰財繼謂積而能散惟夫不侈用不
妄交不子子以求譽不規規以取贏惠人不期其報見
義勇於必為斯之謂能施余素聞三原□龍橋鎮李君
恭甫有施與名今年春鎮人嚴生遵古持張好古所為
□□言曰□□□君厚德欲求大丈夫士詩歌以發揮
其義前中奉大夫甘肅行省大參晚節□公既為之序
尚慮無□以示永久得請□邑大夫監縣君何里沙尹
李君漢卿簿謝君惟寧尉杜君彥常司曾朱君宏道將

錢石以紀其行幸先生文以記之余再四辭不容已一
按其狀君名子敬恭甫字也世雲陵人其考贈奉元路
治中府君始徙家于鎮以市藥為業至君性質謹孝友
關於治生益致富厚於□華宴遊之□無所好賑窮周
乏則汲汲如不及□族鄉黨因其資而葬者三十卷婚
者八十餘姓買驅而為良者□凡□取其子 或不能
償輒焚毀□其券前後總為錢六萬若干緡關中項經
荒札有田業者率賤售救死時君所買田凡約數頃厥
後例聽倍其直以贖君惟取初價□即歸其主族人田
售不能贖者畀之直計錢四千一百五十緡里巷失火

比屋延燒數百家近其宅火自息人謂君積德之所致
隣比之被災者復捐錢二百五十緡以周之君舍有當
市道之衝者毀以為路又修石梁清渠以便行者用錢
一千緡貧無衣食病無醫藥者徃徃賑之不可以數計
與弟子創建三皇氏廟數十楹故翰林侍讀學士南陽
李永魯公子肇為之記又建書院割田百畝以供釋奠
廩師生共輸錢緡二十萬門請故峨山程悅古先生以
訓後進故集賢學士蕭真敏公門余先大夫文貞實造
其家以相其事貞敏公以學古扁其顏又書朱文公學
古齋銘仍為記使并刻諸石行省上其義

朝廷以義士旌其門君嘗

宣授民匠提舉遂不仕率及耄耄而康寧好德益勤不
怠□□善禮復能繼述以昌其業昆弟子姓竝登仕版
藹闢聞譽嗚呼君亦可謂善處富者矣管朱公居陶以
其天下之中四方貨物所□勿也乃廢著□時逐而不
責於人十九年凡三致□富再分散與貧交疏昆弟史
遷稱其善治生而富好行其德今君所居亦關中都會
能擇人而任時居積致富□施之德浹于鄉族□之心
□于大夫士之歌□其亦得朱公之術者它日必有良
史書其事余既□尚君之富而好禮又嘉嚴生之以德

報德故摭其實以為記

大元至元六年歲次庚辰春三月吉日立

長安何信刊

萬春山真覺禪寺記 正書

碑長七尺五寸五分寬七尺七寸五分厚一尺二十五行行四十六字

翰林侍讀學士知制誥同脩國□□□大夫雲南諸
路行中書省叅知□事李源道撰

蒙速思丞相三世孫□□□承務郎威楚鹽使司提
舉完者禿書丹

秘書監著作郎亞中大夫□雲南諸路肅政廉訪司
事杜敏篆蓋

滇池西走六驛有郡曰威楚東北五舍沿深山入長谷
有醴井取雄於一方以□

氏之□□□也顧其善惡因果之說徃徃與易

或有不可誣者蓋人之生稟二氣清濁之不同有以五
戒自持欲正其法身者又有十業自稔以淪於外道者
豈非善惡之區別乎冥冥之中昭昭之報猶影響然予
嘗謂世之人莊嚴佛身頂禮佛足嘗然金雕□矣庸詎
知明心證性固能成佛之為妙也明心證性者啓為善
之根也範全雕□者皆有漏之目也君山□行峻潔弘
揚 聖教而亦嘗慮及於茲乎其刻斯文以示南人尚
方俗雖暴悍而崇信浮圖□□庶幾曰□生悟人知嚮
方□□善□去惡者則君山繼持創理之力也

梅檀林前□鐘之樓後度經之閣法堂方丈齋無庖□
堦□□□□□點聖煥耀金田荒□僻絕之境見茲亢
爽可喜也嘗論夫佛法入中國二十年華人真崇二謹
猶一日也遂而至於殊方絕域之外又至於深山窮谷
之間人跡所不到之地亦奔走崇奉如是之篤也烏乎
我

佛以平等為性慈悲為心以浮涼為幻以寂滅為樂以
五蘊為空以三歸為戒導人以遷善去惡明心證性如
斯而已□知者以為其言宏□勝□以死生禍福動人
則非西筑聖人之旨矣雖然西方氏之教慈矣、

國用以資民法厥利至博也井之西一里許有山曰萬春
春牆立屏峙聳出天外萬山□延□龍江之水踞虎巖
之麓巨石嵌空居人在山谷間惟萬春為勝據也延祐
乙卯僧曰君山泊土之者□□與議謀曰吾儕介于

□□爾絕徼荷

縣官之麻錮山澤之利食土之毛皆

帝之力與佛之造也可無報乎於是捐已訾集衆力建
佛宇于山之陽名曰真覺禪寺即萬春之額以祝

天子萬年之壽也殿寢堂與橫山跨谷□

昆盧□那佛報化佛文殊普賢之像右有選佛場左有

時至元六年歲次庚辰□□無村十有九日巳巳

開山住持僧臨濟並君山林史等立石 鐵神筆君

不暇

□□□□洞宣道先□□□劉德清□□

大般若波羅蜜多經□部全□□□銀□

肅政廉訪分司首會威楚路榜 永鑿此

□□題

石右側
三行
四字
正書

萬春覺寺留題

山崦□□□□障雲度碧谿真如起大覺□□出秀氣歸
萬春天然碑若綠□□詮梵誘群迷翠栢藏鶯啼
枝定鳥栖□□乃與民興福地名賢到此肯留詩上方
□□□□任意息塵泥

雲南僉憲天竺西人蒲哩翰和南

李慎齋觀音奴知路題句鐵林刊

右左側

五行行二十
九字正書

天生碑□□僧□□□文章道士雕□地□□□□
□□□□三教豈能廢